

Tjoahkkájgäsos

Gálmán unneplágon gudi ságasti unneplágogielajt suomagiella, meängiella ja sámegiella li sierralágásj riektá ja nannodum suodje nammadum tjuottjudusguovlojn. Siján li iehtjádij siegen riektá sadjáj ávddáskávlládájman, manna álles jali biehkke dájmas unneplágogielajda dájmaduvvá.

Skávlláinspeksjávnná I tjadádam sierralágásj gähtjov ja váttugit gähttjam jus kommuva ma gávnnuji tjuottjudusguovlojn dievddi lága rávkalvisáv. Diededi gus kommuva rijkalasj unneplágojt riektá birra sadjáj ávddáskávlládájman? Fállu gus kommuva sajev dakkir dájman manna álles jali biehkke unneplágogielajda suomagiellaj, meängiellaj ja sámegiellaj dájmaduvvá? Gähttjo I vil váttugit gähttjam jus kommuva li inventerim makkir dárbo ávddáskávlládájmas gávnnuji dájmadum unneplágogielajda ja jus kommuvnajn la máhttelisvuohta kommuniserit sujttoaddnij, jus sij dav rávkki, unneplágogielajda.

Gähttjo tjadáduváj gidán 2011 ja gábtjtá gájka nielljalákgietjav kommuva ma gávnnuji tjuottjudusguovlojn gálmát unneplágogielas muhtemij. Gájkbadjásasj ulmme I árrum gehtjádij jus kommuva fállu sajev ávddáskávlládájman manna álles jali biehkke dájmas suomagiellaj, meängiellaj ja sámegiellaj dájmaduvvá. Juohkka gehtjadum kommuva I márrádusáv oadtjum.

Ienep gá niellja láget kommuvas älla dahkam dárbboinventerimav

Gähttjo vuoset vargga lahkke kommuvnajs ma gávnnuji gähtjon, vájku skávllálága rávkalvis, älla inventerim dárbojt. Sij älla ga muttágit vieldam sujttoaddne sávdusáv doajmmaháme gávttuj.

Vargga niellja láget kommuvas e diededa rijkalasj unneplágojt

Moadda kommuva e vil dievde unneplágolága rávkalvisáv diededime gávttuj rijkalasj unneplágojt siján la riektá oadtjot sijá dárbov ávddáskávlládájmas sijá giellaj állidum.

Ienep gá fert näljät kommuva ij fála ávddáskávlládájman unneplágogielajda

Ienep gá fert näljät kommuva ittij fála mánnaj sajev ávddáskávlládájman, gähttjobále, manna álles jali biehkke dájmas dájmaduvváj muhtem unneplágogiellaj. Unneplágogiellalága milta kommuvnajn la válggogisvuohta fállat dakkir dájman jus átsos gávnnu.